


**TRUTH
CENTERED
TRANSFORMATION**

MODULE 2



**AJAKANUT NAKA EDEKE
EITAABO LOKA ESISIAN**

2.1 Aitatamuneta Nuka Atutubet

Abu etunganan O India kolot aipejokin ecaalo lo bin eswamai ngesi. Kabu ingit angor nu ocaalo arai ikonakini ti ecaalo kec ai orai Yesu orai engarenon lo ecaalo? Umrai, adiopet kotoma angor nu ejenara noi, abu itetemu ecaalo kwape lo ajaun aimorikikina ka eipeone. Ajeni ngesi ebe mam Yesu einakitai ayongio otupitete eipone lo etiakakar ecaalo ke. Kangon ekale ajari kanuke bon. Kanuka abongokinet ke, abu egurupu loka angor nu ocaalo odukutu atukot naka ejautene loka angaleu ka aingaranakin bonik ka bonik. Apotu angor atomon aangan (14) nu egurupu lo aingaranakin bonik ka bonik ogeasi aiducokin airiamunun ka itawon kec kere. Apotu ameban nu egurupu otukununete isirigin idisi idis kama ejaasi aimonoinikinet nuka angin idiope kakesi toma Akaunt naka egurupu kosodete kesi agear aitemonokin atiokusio nuka atutubet nepepe. Abu Umrai oraun apolokiton eicolong loka atukot kangin (apresident) kosodi aitwasam ainakineteke naka engarenone aitolomia ainapeta ka airam itunga luka ocaalo aswam eipone lo iboro lu ti iswama Yesu orai Ngesi ti erai engarenon.

Apotu Amucaalan nu atukot na Isisiaenenei Ebaibuli O Uganda itojokaasi aijaanakin ecaalo kec kwape ti ijaanakina Yesu. Apotu itolomuutu ainapetai kec nasodit kacoote noi: aitalaun atukosit na agasia najai ariri naka ebaa (amatete) naka atutubet angin. Epotu angor aarei kakesi otitingoto kosodete Alomar toma obaa (Naduc, angor bon nu elomarete toma obaa eraasi amalayan.) apotu ingitutu acamakinio aitalaun agasia. Apotu ikulepek ebaa lu aumokitos aswamisiot ngin okweniatar kesi, konye ekaulo apotu ocamutu. Kosodete angor aramun itunga lu atutubet kocamutu luipu ainakin aswam. Kosodi egurupu abokun aipanyia aarei: adiope kanu agasia na idupukoor kosodi nacie ya kanu iboro ngun lu mam idupukooros. Ne eanyuniata icie kotoma ejaanakinak obaa icie itunga italaete agasia kec, kopotu aingarakin. ibore abu italaka itunga lu atutubet angin, apotu ikulepek ebaa inyikokisi aitalaenen aiboisit ngain.

Kedumutu aisinyikoikin, apotu angor itojokaasi adukun asutovun akany kaongan (9) nu mam anyamete akinyet noi ka amooti nu akipi kanuka itunga lu adiding ejautene.

Nuatupakinete, abu egurupu lo esisiaenenei Ebaibuli odoik aswam napol noi: Esokooni loka Atutubet. Arai duc angor nu atutubet alosit isawan luipu noi, ibwokitos ibogai kec ka iboro icie da toni osokoonin lu elwaka noi. Esokooni lo eyapie ti ecamaki kesi adumunun ikapun konye osalitos eyapiete kede ikalia kec, atutubet ka amisirin kec da. Kaponi koinakinai alupok / aiboisit, konye arai ne ejululei noi mam apatana ber agear aidu esokooni da. Apotu angor nu esisiaenenete Ebaibuli ilipenenete kosodete itunga lu eswamaete egudo lo ayapie kanen acamun cut abunere atiatia nen ne ejululei ka aiyaikin jakan cut atitai komam ipudasi isirigin. Kotoma aingarakinio naka Edeke abu atukot naka angor nu eyuunak ocaalo angor isisiautu kosodete atukonokin iboro lu itwasama, imonoutu isirigin, atemokisi ationis najai ka adukokin esokooni atutubet. Kobu ajar kec na omoyo opoloor / odukun kwape ejaanakinia lucie itunga aiboisit naka Yesu.

Discuss

- Nunyoika apotu kismamaunos kotoma angin adiope ka aitatamuneta kanu?

- Kanuka itunga lu elimitai kotoma aitatamet kana, biyai apotu itunga lu atutubena kanu ikunyakisi diye kwa ti abeitor orai angin itunganan kere ojarite kwape ti apeleikitor Yesu? Kanuinyo?
- Nunyoika acie kotoma aswamusinei nu kopotu igurupun kotoma aitatameta kanu iswamaata?
- Koipone ti aani epedoria ijo aiswamaun kwape kangun kotoma atutubete kon?

3.1 Apapula Na Nuitojokaaritai Ajakanut

<i>Nuitojokaaritai</i>	<i>Nu iwadikatai Obaibuli</i>	<i>Einono wok / Oinono wok</i>	<i>Ajakanut Naka Edeke</i>
<i>Eipone lo ebeitor oni iswamu iboro kwape ekilokit lo aberu</i>	Ikolosain 3:19 1 Petero 3:7 Ipeson 5:25, 28, 33		
<i>Eipone lo ebeitor oni aswamu iboro kwape aberu na ekilokit</i>	Ageun 2:18 Ipeson 5:22-24, 33		
<i>Eipone lo ebeitor oni ayaite iduwe</i>	Isabulin 127:3 Ipeson 6:4		
<i>Eipone lo ebeitor ayaite itunga</i>	Matayo 22:36-40 Luka 10:25-37		
<i>Eipone lo ebeitor ayaite luka asurupo</i>	Luka 6:27-31		
<i>Eipone lo iteotor aomisio wok aswamu</i>	Ikolosain 3:22-4:1 Ipeson 6:7-8		
<i>Eipone lo iteotor aomisio wok isuban luka Edeke oidunyeta wok</i>	Isabulin 24:1 Ageun 1:28-30 Ageun 2:15		
<i>Ibore yen epolok nuke ka kere</i>	Matayo 6:25-34 Matayo 22:36-40		
<i>Eipone lo iteotor aomisio wok atwanare</i> <i>Kosodi “ejai atwanare”</i>	Yokana 11:25-26 Iburanian 2:14-15 Apukokinio 1:17-18		
<i>Eipone lo iteotor aomisio wok aiticanitoi/ aitorit ocan/ aisiriebio / ayaio erono</i>	Luka 6:22-23 2 Ikorinton 1:8-11		

4.1 Na Ingarenikit Aimor Aitamitam Ogurupu Lo Edit

Eipone Lo Iteio / Eyangaritor / inherit Ebaibuli nu Ikamunitos Aswamu

- 1 Isesalonikan 4:11-12
- 1 Timoteo 5:8
- Ipeson 4:28
- 1 Ikorinton 10:31

Epodokit Edeke Eipone lo Iswamaa Oni Aswamu Wok

Kosesenata ikokoron luu lu Obaibuli. Nunyoika isisianakineete oni ikokoron luu nuikamunitos aswamu? Kotoma ogurupun ludidik, iwadikautu kotoma aurianut na alimunet adiope.

- 2 Isesalonikan 3:10-12
- Awaragasia 10:4
- Awaragasia 19:15

- Awaragasia 21:25

Nunyoika iwomit ijo isisianakini ikokoron lu nuikamunitos eipone eipone lo iswamaa oni aswamu?

- 1 Ikorinton 10:31

- Ikolosain 3:23

5.1 Aijulakinet Naka Ekale Ediope

Ekale Ediope Lo Kristayot Itolomuuni Aijulakinet

Ikaru iwongon okau egwotuna ekalimonokinan toma aiboisit na arai itunga lu atutubet kere iindun “Hindu”. Ajai ecaalo omoru loka **Himalayas** lo eoja noi ipuutin (ft.) 1,000. Amairon adis anyoun ocaalo kangon ajai amisirin nu akoritai amajani. Nepenen ber bon kakere adumanakini itunga lu ocaalo kangon aswamusinei. Konye ejaa ngun da, adite eropit noi adoketait na apagelor itunga aijar karaida ejaasi ka aswam.

Arai ecaalo lo idumakini ijo ireria lu adolet akaisarei kalu kany (25) ido odukitete erono ka abaoi keda edebedeben eswapitere. Amameete icolonin kotoma ocaalo. Kanu naarai ekiaara noi aojasu naka aiboisit, alilim aiboisit noi; konye ejaa ngun da, alosete iduwe keda akeje (amameete amuka) ido eligirirasi akoikes.

Angoli etogo ajai toma Opuloti ke bon. Aipoo arai owaike bon ne ajai igoga yeni eleleba apuru ido orai akim na alosi ngini itunganan da aigangakin ingaroi ke iuni (ikiyal) idokokini atido kea gear aipoo. Ajaasi akokorei adis irimete alomunun kinga ka alomanar toma otogoi lailo ka laiye ido egasiikitos alaro na angoli ere.

Esomero lo ayapie kakere arai alosite amairon aarei. Arai ne alwanikit iduwe alosen angin apaaran ido ajaasi kesi ka aswamusinei acie nu iswamaa ore. Kanuka angun, mam iduwe luipu alosete osomero. Therefore, most of the children did not attend school. Itunga lu apolok luipu mam apedoritos aisiom ka aiwadika, kanuka angun, arai duc lu itunga lu anyamere / anyamanakinio/ lu ekamuutotor itunga lu ocaalo icie arerengu ngun lu apedoritos asioman ka aiwadik.

Ekidioko amisirin noi naarai akipi nu ayapiete kakere arai etaagi lo alwana amairon aarei. Ationo noi ayangaun akipi nu matan ka nu iloset kilema ber ijo nu icokicoket amisirin. Ajai kolo apaipo na arikuutai agear otaagi kitoni atutubet konye abu omunaar mam itunga apotu opodokisi aitam aitemokin da.

Mam edou edila dimikito apakio nu akoru bon ngesi ajaar edou lo eriamara ka ikorion lu edilasi kesi akoru kwape emuceeri. Amamei adio aiboisit arai apak na akorikinet idiasio icie kwangin kwape ibogai (ikuwii). Arai ikamunitos arerengu aminasi asakun emuceeri lo itodoli kesi toni bobo apakio nu esakere loitetet.

Araasi itunga iindun, kanuka angun, amaenenete idekesio luegelegela luipu. Ejaasi idekesio lu edeparitos emilionit ediope, lu ibusakinit iindun aisinapinikin ka aimaa. Ajaasi ecaalo ka iputosia ludidik luipu nuka idekesio lu iindun. Angoli esawa kere lo enyamatar itunga lu ocaalo erai kesi acakanakin atap /inyamat kwapu kanu imoyon lu eriaratos.

Ajai kesi aipup adoketait na aikarunit ka amamus ka amuno cut. There was a sense of defeat and hopelessness. Amuno kec bon arai ebee musiki gwai aijar na mwakacet koingaren itemunete kesi ainap awate acie kosodete atakanuun aijar acie na ejokuna ejautene. Konye ajai bobo arerengu acie na aronon ebe arai mam kesi etalakaarito idekesio, aponio aitemun aitanap kesi awate nu araun imirio arai mam ingwokwu. Apotu iteoto ebe epokit ejautene kec, amamei eipone lo aikuu karaida eipone lo elomarata kesi aitojokaar ejautene kec.

Lepcha ngesi ekalimonokinan lo abu kogwot toni aiboisit na. Abu isisiator kanu aisiaun nu ibusakinit aijen koipone lo ingarakinet lucie itunga aitojokaar angaleu kec kotoma okoosi lo elap ediope. Nekedaunia ngesi ekoosi ngon, abu kogwot ka ekale ke toni ocaalo tetere egearete aiboi angina ingarakitos iidunyeta kec koipone lo aimor nu esisiautos kesi. Ajaasi kesi kede alaro na alai noi ka etogo lo ipoisi lo ekeuna ne adukokilai ikiyal, ibore etapatanit aipo ido komam enyami akito nuipu. Ajaasi ka idukuru yen ajok ne edaratar akokorei kec. Kapotu iraikisi amisiri na adite naka idiasio lu kwuii, nada abu itojokaa enyame loka iduwe. Ajaasi ka acoloni na okinga, ido iduwe kec mam asubitos bala lu eleleba ikuru akoik (mam eligirirasi akoikes) ido mam ecebokitos ailep bala iduwe lucie kwii lu ocaalo angon.

Abu Lepcha iswamau adebedeben nu igaunete akipi kosodi aismamaun apipai nu etwasamai ngesi aigaununa akipi apakio nu acicingar edou olokikini neajai atunyuru ken a edebedebe. Apotu lucie da otupakisi aomisioit ngin, ido nedo kwana atepenena edou, apotu kesi da opedosi aigaunun akipi.

Apotu kotukutu itunga lu atutubet aswamu nepepe ainyakakin apaipon ageun otaagi lo akipi kitoni ocaalo, ido kwana ejaatatar itunga lu ocaalo akipi swii, nu edolitos kitoni aicokicok amisirin kec nu eweitos kesi idiasio kec lukwii. Itunga luipu atupakisi kesi da aidukuruun etogo lo akokorei ido abokata icolonin lu mam eurok ido emameete icuc da.

Ne abu ekale ke Lepcha adolunia atutubet naa, kapotu ogeasi aisisianakin itunga lu apolok ka iduwe lu akotosi aisiaun ajenun asiom ka aiwadika. Kapotu ogeasi aisisianakin iduwe ka atumunak ludidik ajenun aisiom. Lolo inera oni, ejaasi ecaalo keda esomero ke bon kanu iduwe aitodol atukot na iwongonet.

Lolo ejai aduketait naka ekanisa naedit naarai kwana ikalia akaisarei ka luuni kotoma akaisaarei kany adumutu aitajario (eidicane kec obe ka Kristo). Nu kere apotu opedoros naarai ekale lo ediope kopotu omorata Kristo kotoma akiro kec ka aswamusinei da.

Ejaasi itunga kede aipup otawon kec naka aisimonikinia, ido iteete kesi ebe epedorete aijar aijar na engaleikit naarai abu ekale ediope lo apodokit noi kobu kosodi aimor aijarakec nepepe ka lucie.

Akirot napanaa ejakai elimonokinio ducuduc kotoma ocaalo luka onyakoi naka India ka kide naka Nepal. Lolo iswamasi iboro kwape kangun kotoma ocaalo 120 kotoma aiboisit kangin. Ejai aijara naka itunga aijulakin okinga (toma akuwan). Konye ejaasi icaalo da aijulakin komoyo kwape kwana atukonokineta 107 nuka okalia etegear, ido ojaasi nu elalak noi kakesi atomon kaarei nu ejaasi ka itunga 200.

Icokok lu ekanisa O Indian adukutu kwana apetetait kec bon naenyaritai Ekanisa lo Agape **“Agape Church”**, neda epote ikanisan lucie lu luipu Alomar toma. Nejaar ekale ediofet lo Ekristayone, kwanat kalo Lepchas, ejaasi ka aitapoet aanyun ijulakin atutubete kec, iboro lu epolok noi iswamaunos kanuka Edeke arai emoete akote naka Edeke ido oinakina aswamaun ibore kwa ekotor aitapoet na ijaikit Edeke kesi. Acie kotoma aanyununeta nuka okalia ejulakinos toni araun nu elomunitos okanisa koipone lo aitutuonor itunga lu epolok kojenaara kotoma okanisan. Erai ailipa kosi ebe nuu oraunos aanyununeta nu elomunete kotoma atutubet apakio nuka koingaren.

- Nunyoika acie kotoma aijulanakineta nu abu Lepcha koyangau toma atutubet? Itemu bobo airereor toma aitatamunet naa kosodi aiwadikaun kesi kwap naka angin adiopot akou na akiro kanu: Kaitunga, Komoyo, Kotoma aijen, ka kotoma akuwan.

- Koipone aani ayangauna ngesi aijulakineta nuu? Ingai bo abu ngesi ogeuna? Ekale ke
- Koipone aani etegelikinor atutubet kanuka Lepcha?
- Koipone aani ipedoria ijo aputoor kwape ka Lepcha kotoma atutubet kon?

5.2 Eipone Lo Oraunet Adukon Ajakanut

1. Kogea Kede ijo Ilopet

Adoketait nasodit kotoma aanyun Ajakanut naka Edeke edukun kotoma aijarakon, kotoma okale kon, kotoma okanisa kon, kotoma atutubete kon, ido kotoma akwapu kere ngesi ijo angicakin aijarakon ilopet. Ijo iinakina Edeke aitwasam ijo? Ijo iinakina arautu lo irimaarit Edeke kotoma angoli ewai kere loka aijarakon? Lunyoika iboro idiopet arari iyarei lu ikoto ijo aitetenaar / aitojokaar kosabiiti kalo?

2. Isisianak kosodi aisinyikoikin Ekale kon

Kwape igeara ijo aibwaikin Ajakanut naka Edeke toma angoli ewai loka aijarakon, ekoto ijo agear aisinyikoikin ekale kon da aswamu kwape kwangin. Kwape isiomia oni, ekoto oni esisianakinete ikalia wok apakio kere (Ikisila 6:7) komam aise kotoma idio ibore kere yeni iswamai oni. Komou iwaitin lu isisianakina ijo ekale kon kotoma kanu iswamai ijo, koipone lo eineri ka kesi, ka amoun iwaitin lu ingarakinet kesi agear aijaanakin lucie da kwape kwangin.

iitu iboro lu kabu ijo oinakina aswamu kotoma asisian kotoma owaitin iwongon kanu da aingarakin ekale kon apolo.

3. Olimok Edeke itwasam ijo aijulakin lucie

Ogea ailip kosodi ilimokin Edeke aingarakin ijo aijulakin lucie. Omou iwaiting / arerengusio nu iswamaunet idio ibore. Kwape iwanyuna ijo itunga luejaasi toma oipud, ilip Edeke itodik ijo eipone lo ipedora ijo aingarakin itunga ngun.

Ejai Edeke einakina noi adepar aingarakin oni adukun Ajakanut Ke. Epokokini oni kotoma apak na ibecokina, eipone lo edolit aingarakinia.

4. Ijaanak Lucie

Oloma ijo da toma Aswamusinei nuka Amina kosodi adumun icie iwaitin lu ijaanakinete. Arai da ipupi ijo bala mam ijo ipedori aiswamaun nu epolok ejok, ekoto ijo oipone angopekangon aiayakan aitwasam atalantan kere nu einakit Edeke ijo aijaanakina. Kwape ijaanakina ijo, igeari ijo apoloor ido itiuni ijo ebe ipedo ijo aiswamaun nu epolok noi noi adepar.

8.1 Ainapeta Nutupitono Itemonokinio

Aswamusinei Nuka Amina

Adoketait 1: Ailip

Ibore yenisodit aswam ngesi ailip. Oyangaikisi kwana apak ailip. Elipata Edeke itodik yesi nu ibusakinit yesi aswam kanuka Aswamisioit kus naka Amina.

Adoketait 2: Asekun Aswamisioit

Kwape egurupu itojokaasi nu ti ipedorete yesi aswamu kanu aitodiara Amina naka Edeke. Kirereosi acie kotoma aomisio nu kopotu yesi iwadikautos kotoma Asisian na 1 kosodete acamanar nu ipupete yesi bala ejai Edeke aingarenikin yesi aswamu.

Idautu yesi asekun Akou naka Aisia, koanyutu ebe erai ibore yeni ipedorete yesi aswamu kotoma apaaran adiope arai aarei. Arai mam epedor, biyai ipedorete do yesi iswamata adoketait adiopet bon arai aarei?

Adoketait 3: Itojokasi ibore yen ipudai

Adoketait na etupakini ngesi ageaar aitolomuun ainapeta. Nasodit, ibusakinit oni aitojokaar nu ikoto oni aswam kotoma oprojekt/ainapeta — nu ipudai itunga, iboro bo aanu lu itwasama, acamakinio apedor adoketait bo aani, ka acie da. Kanu aingarakin ijo aomoom nu, ipedoro ijo aitwasam apapula na epetunit eipone lo aswam kotoma oitaabo kon loka esisian. Idau ijo aileleb atiakunet nasodit obongi kwap kede iboro kere lu ipudakin ijo, akepolou ipedori do ijo aitojokaar ingai ebuni ayait ido apaaran bo aani ibusakinit angetakina aiswamauna.

Adoketait 4: Iwadikautu ainapeta

Idautu yesi aitolomuun ainapeta nuka iboro kere lu ibusakinit aswamu, ipedorete yesi aiwadikaun ainapeta kus kotoma aparasia nu ikotototor yesi aiswamaun tetere yesi ijenete ebe ingai bo ikamunitos nu aswamu inyo, ido orai iwor. Koseutu idiopie itunganan araun engarenon loka eprojekt. Erai itunganan ngin yeni ikamunit aanyun ebe edolokini ngesi itunga / arai osimu ideuna apaaran arai aarei eroko apak na abeitor kesi airikakin ipelueik kec kanu aisisiaun arai adautu aiswamaun, arai ejaa adio atiokisio itereikina kesi, kosodi arai ipudasi amodio agangan.

Adoketait 5: Ailip

Idautu yesi aiwadikaun ainapeta nu iswama, oyangaikisi apak bobo ailip. Ilipata Edeke aingarakin yesi angetakin ainapeta ka aitupuaar/aitanyanyaar nu elosete aiswamaun ko otunga. ilipata ebe Ekiror loka Edeke kodum aitopoloorio. Kotoma osabiiti lo etupakini arai lo iyareikini ka itemonokiniata yesi kanuka Aswamusioit naka Amina, ekoto yesi ilipete ebe opedo Edeke aingarakin yesi kede aswamisioit.

Adoketait 6: Iswamaata Ainapeta

Adoketait na kwana etupakini ngesi aswam ainapeta nu itolomuutos yesi. Itegeasi apaaran kede ailip kosodete aititingikin agogongu kus ka nu ilosete aswam mama ejai Edeke. iitutos ebe iswamaete yesi ainapeta nu kanu aitodiara Amina naka Edeke mama ejaasi itunga luka atutubete kus. Kotamata aricit eipone lo iomitotor yesi iriamara kede alosikinetu nuu.

Adoketai 7: Aimor airereor eipone lo apotu Ainapeta olosioto ka ainakin Eripota

Adoketai nawasia ngesi ainakin eripota ka aimor airereor eipone lo apotu ainapeta olosioto. Kanu inyo ibusakinitor oni aimor airereor eipone lo apotu ainapeta olosioto? Naarai ingarakini oni aisisiaun. Ipedori oni aoomoun nu apotu oni eswamata ejok ka nu ipedori oni aswam kanu aitojokaar jokan ainapeta nu etupakinete. Mam ekoto orai eiswamae lo eoja noi; ipedorete yesi ayangaar idakikan idis bon aimor aitamitamaar aingiseta nuu:

- Inyobo abu iswamaun ejok?
- Inyobo mam abu iswamaun ejok?
- Nunyoika aitojokaareta nu ti ibwaik ijo toma ainapeta?
- Biyai nu apotu iswamaunos /eijaune arai kwa ilosikinitotor yesi? Arai ma, kanuinyo mam?
- Biyai Edeke aponi itopoloorai?

Ejaatatar Etutuoron afomu na ainakinet eripota. Kanuinyo iinakina oni eripota? Kotoma Marako 6:30, ianyuni oni ebe apotu lkesisiak oyangautu eripota neajai Yesu lo ekamunit kere nu apotu kesi iswamata. iinakini oni eripota kwape aanyunet naka amunoonut ka aisialamikinet mama ejaasi ngun lu apotu isisianakisi oni ka aisikapikin itaabon ka esisianakinak kanuwok. Ainakin eripota ijaikini ijo arerengu aimor nu abu ijo iswama ka ainakin ijo ajenanut na abu Edeke itwasamaa agogongu kon/aswamu kon. Ido einakini etutuoron da arerengu aanyun arai ajaasi adio atiokisio ka amoun iwaitin lu itojokaaret aijaanakin ijo koingaren.